



Aningaasaqarnermut Ataatsimiititaliap suliaq 01.31.06/06-00198 pillugu ataasinngornermi ulloq 23. oktober 2006-imi aalajangiinera pillugu Naalakkersuisunut ilisimatitsineq. (Naalakkersuisut ulloq 19. oktober 2006-imi ataatsimiinneranni imm. 2a)

Sillimmasiissutit

Naalakkersuisut **inassutigaat**,
kontomi pingaarnermi 70.10.03-mi, Sillimmasiinernut tunngasumi,
aningaasaliissutit 1.180.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Meeqqat atuarfiannut tunngatillugu sillimmasiisussaataitanermik kommunit tigusinerat Namminersornerullutik Oqartussanut naatsorsuutigisamit annertunerusumik sipaaruteqarnermik kinguneqarsimasoq aningaasaliissutinik ikililerinissamik qinnuteqaammik matumani takuneqarsinnaavoq.

Taamatut sipaaruteqarneq Namminersornerullutik Oqartussat sipaarutaasa ilaannik pissarsisinneqarnissamik piumasaqaammik kommunit saqqummiussinerannik kinguneqarsinnaanersoq kinguneqartussatulluunniit naatsorsuutigineqarnersoq pillugu paasissutissinneqarnissani Aningaasaqarnermut Ataatsimiititaliap kissaatigaa.

Tassunga ilanngullugu tullianik isumaqatigiinniartoqarnissaani kommuninut ataatsimoortumik tapiissutit qaffanneqarnissaannik piumasaqaammik KANUKOKA-p saqqummiussinissaanut suliaq pissutissaqalersitsisussatut naatsorsuutigineqarnersoq paasissutissiissutigineqassasoq ataatsimiititaliamit kissaatigineqarpoq.

Aningaasaqarnermut Ataatsimiititaliap aalajangiinera

Suliani oqaaseqaatit innersuussutigalugit Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**. Tamatuma peqatigisaanik apeqqutinut siuliani allassimasunut Naalakkersuisut ullumimit ullut 14-it qaangiutsinnagit akissuteqarnissaat ataatsimiititaliamit qinnutigineqarpoq. Naalakkersuisut akissuteqaataat kalaallisut danskisullu kiisalu qarasaasiakkut uunga nassiuteqquneqarpoq: nch@gh.gl.

Inussiarnersumik inuulluaqqusillunga

Jens Lars Fleischer
Aningaasaqarnermut Ataatsimiititaliamut siulittaasuugallartoq